

UNIVERZITET U SARAJEVO
ELEKTROTEHNIČKI FAKULTET U SARAJEVO

Broj: 01-01-2904/10
Dana: 22.09.2010



Na osnovu člana 192. Pravila Elektrotehničkog fakulteta u Sarajevu – prečišćeni tekst (broj: 01-01-2966/09 od 09.10.2009. godine), Odluke Upravnog odbora Elektrotehničkog fakulteta u Sarajevu o cijeni doktorskog studija (broj: 01-01-2892/10 od 07.09.2010. godine) i prijedloga Dekana Elektrotehničkog fakulteta u Sarajevu od 07.09.2010. godine, Upravni odbor Elektrotehničkog fakulteta u Sarajevu na svojoj XXXIV sjednici održanoj 07.09.2010. godine, donio je

ODLUKU

o načinu finansiranja troškova doktorskog studija saradnika

Član 1.

Ovom Odlukom utvrđuje se način finansiranja troškova doktorskog studija saradnika u radnom odnosu na Elektrotehničkom fakultetu u Sarajevu i angažiranih spoljnih saradnika u nastavnoj djelatnosti (u daljem tekstu: Saradnici) na Elektrotehničkom fakultetu u Sarajevu (u daljem tekstu: Fakultet).

Član 2.

Fakultet za svoje saradnike omogućava plaćanje sredstva u iznosu cijene doktorskog studija – studija III ciklusa po odgođenoj dinamici, i to 7.000,00 KM za godinu studija što za saradnike magistre elektrotehnike - diplomirane inženjere elektrotehnike ukupno iznosi 21.000,00 KM a za saradnike magistre elektrotehničkih nauka ukupno iznosi 14.000,00 KM.

Na ukupan iznos sredstava cijene doktorskog studija Fakultet daje bonus saradnicima koji upišu III ciklus studija na Elektrotehničkom fakultetu u Sarajevu, i to

- 2.000,00 KM saradnicima u zvanju magistra elektrotehničkih nauka i
- 3.000,00 KM saradnicima u zvanju magistra elektrotehnike – diplomirani inženjer elektrotehnike.

Član 3

Korištenje načina plaćanja po odgođenoj dinamici odobrava Dekan.

Član 4.

Odgođeno plaćanje doktorskog studija saradnika daje se na vremenski period od:

- 10 godina za saradnike u zvanju magistra elektrotehnike - diplomirani inženjer elektrotehnike, u random odnosu na Fakultetu
- 10 godina za saradnike u zvanju magistra elektrotehničkih nauka, u random odnosu na Fakultetu i
- 5 godina za spoljne saradnike u zvanju magistra elektrotehničkih nauka, angažirane u nastavnom procesu na Fakultetu.



Odgodeno plaćanje vršit će se u mjesečnim ratama :

- U netto iznosu od 150,00 KM od mjesečne plaće saradnika u zvanju magistara elektrotehnike-diplomirani inženjer elektrotehnike, u radnom odnosu na Fakultetu;
- U netto iznosu od 100,00 KM od mjesečne plaće saradnika u zvanju magistar elektrotehničkih nauka, u radnom odnosu na Fakultetu;
- U netto iznosu od 200,00 KM za spoljne saradnike u zvanju magistra elektrotehničkih nauka, angažiranih u nastavnom procesu Fakulteta.

Sredstva primljena po ovom osnovu vraćaju se u Fond Fakulteta za finansiranje doktorskog studija.

Član 5.

Uslovi za dobijanje pogodnosti odgođenog plaćanja doktorskog studija su:

- Saradnik u radnom odnosu na Fakultetu dužan je napismeno dati izjavu o obavezi da će upisati III ciklus studija, da će koristiti način odgođenog plaćanja, da će plaćanje vršiti u mjesečnim ratama u iznosu od 100,00 KM za 10 godišnji period i da je saglasan da Fakultet prilikom isplate plaće obustavi isplatu netto sredstava u iznosu rate.
- Angažirani spoljni saradnik na Fakultetu treba da ima najmanje netto iznos od 2.400,00 KM naknade koju dobija za rad na Fakultetu, dužan je dati napismeno izjavu da se obavezuje da će upisati III ciklus studija, da prihvata način odgođenog plaćanja, da će plaćanje vršiti kroz 5 godišnji period i da je saglasan da mu se obustavi isplata netto naknade koju dobije za rad na Fakultetu kao rate na ime odgođenog plaćanja doktorskog studija.
Ako je netto naknada saradnika koju dobija za rad na Fakultetu manja od 2.400,00 KM dužan je uplatiti razliku do tog iznosa prilikom upisa svake godine studija

Član 6.

Saradnik koji je korisnik odgođenog plaćanja može u svakom momentu da prestane koristiti način odgođenog plaćanja doktorskog studija uz obavezu da prethodno izvrši uplatu sredstava na ime troškova doktorskog studija.

Član 7.

Međusobna prava i obaveze saradnika - korisnika odgođenog plaćanja doktorskog studija i Fakulteta reguliraće se posebnim Ugovorom.

Član 8.

Odluka stupa na snagu sa danom donošenja.

PREDSJEDNIK UPRAVNOG ODBORA

Akademik red.prof.dr Branislava Peruničić

- CO: - Dekanu
- Prodekanu za OFP
- Finansijskoj službi
- Web stranica Fakulteta
- a/a